

救

急

易

方

二

责任编辑 刘从明

图书在版编目 (CIP) 数据

救急易方 / (明) 赵秀敷著 . - 北京: 中医古籍出版社, 2001.1

(中医古籍孤本大全/中医古籍孤本大全选编工作委员会选编)

ISBN 7-80013-954-9

I. 救… II. 赵… III. 急救方 - 中国 - 明代
IV. R289.348

中国版本图书馆 CIP 数据核字 (2000) 第 54221 号

救急易方

明·赵秀敷 编撰

(《中医古籍孤本大全》)

中医古籍出版社出版发行

(北京东直门内北新仓 18 号 100700)

全国各地新华书店经销

金坛市古籍精装印务有限公司印刷

2001 年 1 月第 1 版 2001 年 1 月第 1 次印刷

印数: 001~200 册

ISBN 7-80013-954-9/R·950

定价: 260.00 元

卒

治耳聾用鼠膽汁滴入耳中

又方用樓子葱尖挿耳

中又方用九節菖蒲末草麻子為膏綿裹塞耳中

又方用蚯蚓三條鹽少許貯在葱葉中自化為水

滴入耳中三五日瘥

又方用草麻子五十箇去皮

與熟棗一枚同搗丸如棗核大更入乳汁就和每

用一丸綿裹納於聾耳內覺熱為度一日一換如

藥難丸日中晒以時

又方口噙甘草一枚耳中塞

二塊甘遂立效

卒

治耳痛用鱖魚血數點入耳內便愈

又方用白鹽炒

熱重綿包熨

又方用杏仁炒焦研細以綿裹塞耳

又方治底耳以枯白礬為末填於耳中立效又方
停耳膿血不止用白礬燒灰吹入耳或以蚯蚓乾
為末吹入耳中又方用青橘皮燒灰研細為末用
綿裹塞耳日換三四次又方治耳瘡腫痛用五倍
子為末水調塗如有水乾搽之

治百虫入耳用兩刀挖耳邊相應敲作聲即出又方
用鷄冠血滴入耳中即出又方用瓦器於耳邊敲
作聲即出又方治蛇虫入耳中用猫尿灌耳中立
出取猫尿用盆盛猫以生薑擦牙又方治百虫入
耳用麻油灌之即出又方用桃葉按細塞耳自出

或以藍青研汁滴耳中**又方**用葱涕灌耳中穴即
出亦治耳聾**又方**蒼蠅入耳最害人用皂莢子虫研
爛用生鱈魚血灌耳中**又方**治蟻子入耳用猪精
肉一指大炙令香置耳孔邊即出**又方**治蜈蚣入
耳用生薑汁灌耳中或以韭汁灌耳中自出或以
熟雞肉一塊置耳孔邊自出

治物入耳中不可出以麻繩剪一頭散溶牛膠在上
探入耳中使其物粘之徐徐引出效若水入耳中
薄苛汁點之效**又方**治黃豆入耳用鷺翎管截作
長一二寸許去其中膜留少許於一頭以有膜之

頭入耳中口氣吸之即出

治酒瘡鼻用白鹽常擦為妙

治鼻瘡用杏仁研乳汁和付或以烏牛耳垢付

治牙疼用白楊樹皮為末每服三錢熱醋調含之漱

灌或以枯白礬熱水漱之

又方用蜂房一枚以益

盛孔內以火燒研末擦牙痛處鹽水漱吐之

又方

用蝦蟇頭上白汁塗綿上陰乾以米粒許塞牙縫

牙根腫者須針刺出血

又方

治虫蛀牙痛用韭菜

連根淨洗爛搗同人家地板上泥和勻納痛處蛀

孔內將紙貼痛處臆上一時頃取下細細虫見於

泥上可除病根**又方**治牙疼以紅豆雕料物研少

許吹鼻中**又方**用野園葵略搥動塞鼻中**又方**牙

疳燒筴乾為末入塩擦之效**又方**熏牙虫法先用

一椀盛水以小盞一隻覆椀內以瓦片燒紅安盞

足上滴清油一點在瓦片上將韭菜子數粒放油

上用竹作一筒用紙糊將覆烟上却吸竹筒一烟

熏痛處更用水漱出虫不盡再熏**又方**齒斷出血

用白礬一兩燒研為末每用半錢付齒根下出血

煎淡竹葉湯頻漱之**又方**以靨青研細擦牙堅牢

又方用礦石灰研碎沙糖和丸塞蛀孔**又方**用霜

殺老絲瓜燒存性為末擦痛處立止又方用蛙竹
屑陳年霜梅肉研和如泥付痛處

治舌強腫起如猪胞以針刺舌下兩邊大脉血出即
消切勿刺着中央脉令人血不止則以火燒銅筋
烙之不止則殺人或以雜草燒鑊綉調付舌上
下脫去再付須臾而消此患人多不識失治則死
凡舌腫舌下必有虫狀如蟻一卧蚕有頭有尾頭
小白可燒缺釘烙頭上即消又方用銚針磨令極
尖輕刺之日刺八九次血出盡痛減腫消又方治
舌忽脹出口外用雄鷄冠刺血以蠶盛浸舌就嚙

下即縮**又方**治重舌用綉鎖燒紅打下鉄綉為末
水調一錢噙之**又方**用竈中心對鍋底土酒調塗
舌上黃丹豆大安舌下**又方**治舌無故出血以炒
槐花為末糝之愈**又方**用亂髮燒灰水調一錢服
又方治飲酒過多咽喉爛舌生瘡用水中田螺蚌
肉以葱豉蒜椒煮汁飲三盞效

治口瘡用白礬一兩鉄杓內火煅汁乾黃丹一兩炒
紅色放下紫色為末糝瘡上**又方**用縮砂火煅為
末糝瘡上或用蓮花片貼之效**又方**用乾薑黃連
二味共嚼之吐出涎水效**又方**用生薑自然汁漱

口數次涎出而效**又方**用吳茱萸為末醋調塗足
心效最宜小兒口瘡不肯服藥者一貼而愈**又方**
口瘡以白礬為末湯化以濯足或以五倍子為末
糝之**又方**口唇生瘡取東壁上上土細研付之
又方小兒口瘡用生白礬為末水調攤紙上貼瘡
心方貼上再以水濕之

治口唇緊小不能開合不能飲食不治即死用白布
作燈炷如指大安斧刀上燃燒令刀上汗出拭取
付唇上日二三度或用舊青布燒灰以酒服或和
猪脂塗付又以蛇殼燒灰先拭淨付之又以蟾蜍

虫燒灰猪脂調付又燒鬚髮蜂房六畜毛灰用
脂調付又馬齒莧煮汁洗之
又方治唇緊燥裂生
瘡用撒攪不以多少燒灰猪脂和塗患處

治癰疽發背惡瘡腫毒初生及毒蛇風火所傷用大
蒜切片子如錢厚安腫上以艾灸之蒜熟更換新
者初灸覺痛灸至不痛即止初灸不痛灸至極痛
乃止
又方治一切腫毒初生用苧根葱頭生薑炒
小粉赤豆同搗碎頓熱益上冷再換
又方治卒得
惡瘡不識者用桃皮為末納瘡中
又方腫毒無頭
者用蛇殼貼於腫處
又方治癰疽發背用大薊根

俗謂之野紅花其葉似苦蕒但其葉不拘多少淨

洗切碎研如膏塗瘡上其冷水初發者能消散已

成者速潰又方用牛皮膠二兩酒二升同煮候牛

皮膠溶化放溫令病者徐徐飲盡如未結成即潰

已結成即易潰已潰即易瘥如未效再服必效矣

又方惡瘡無頭用皂角刺燒灰陰乾為末酒調三

錢罇葵菜子三五箇送下治癰疽不消已成

膿怕針不得破用白雞翅下取第一毛兩邊各一

莖燒灰水調服又方用蜚蠊出過鷄兒空殼一箇

燒灰酒調服即穿又方治一切惡瘡不收口用瓦

松不以多少陰乾為末先用槐枝葱白湯洗過糝
之立效灸瘡久不收者更效**又方**治腫毒未破用
蝦蟇一箇先炒石灰後用蝦蟇剝碎炒研如泥用
帛攤上貼患處自破**又方**初發時便當服此不問
疽發何處及婦人乳癰若鄉村或貧乏無得藥材
去處必服之大有神效用鷺鷥藤搥碎不犯鐵器
大甘草節一兩各生用水二碗慢火煎一碗入無
灰酒一大碗再煎十數沸去粗分三次溫服如無
生者用乾者終力減更生取葉一把搗爛入酒少
許調和稀稠得所付瘡四面中心大留一口泄毒

氣**又方**以黃蜀葵花用鹽糝放入磁器內密封經
年不壞每用付患處無花根葉皆可**又方**治多年
惡瘡用馬齒莧搗爛付之亦治翻花瘡其形如花
開之狀燒灰猪脂調付**又方**用雞腸草研細取汁
拂其瘡以粗蓋之或為末以猪脂調付上甚效
又方以天茄葉貼之或為細末貼亦妙**又方**用臘
月人中白燒灰油調塗瘡上**又方**以蒲公英搗之
如泥貼一切惡瘡刺并蛇傷**又方**熏惡瘡用紫花
地丁一名米布袋取根晒乾用磚壘成爐子燒着
地丁用絡絲繫磚或春搥磚一枚蓋了使令磚眼

內烟出熏惡瘡出黃水自愈又方消散一切腫毒
用野葡萄根紅者去粗皮為末新水調塗腫上頻
掃新水又方治癰疽發背不問老少初發腫作便
以紙一片水浸濕搭腫上視其上一點先乾者即
是正頂先以大筆管一箇安於正頂上却用大馬
蜚一條一名馬鬃安於中頻以冷水灌之馬蜚當吮其
穴膿血出毒散是效如瘰癧小頃用三四條方
見功若吮着正穴如瘰癧用水救活其瘡即愈累
試奇效乃去毒之一方也血不止以藕節研爛塗
上止之茅草花花白者治癰疽發背瘰癧疔瘡

漏瘡衛護膜和解毒毒自然內消用微明礬生用
二兩為末黃蠟一兩二錢溶汁就爐上入礬拌和
殺手丸如桐子大每服十五丸溫水或冷酒常服
之或以枯白礬炒鹽等分細研每服一錢新水調
瘡未回再服瘡回覺痛即止漏瘡用雞肫內黃皮
為末塞孔又方治諸惡瘡中新弩肉出用烏梅肉
蜜和捻作餅子如錢厚貼瘡上又方治諸瘡因度
水腫者用生白礬末水調塗之自消又方治一切
腫毒用臘桑葉為末以新汲水調塗之如有膿乾
糝在上如在腳膝付了用帛裹之又方治多年惡

瘡用冬瓜葉陰乾瓦上焙研細貼瘡濕處或用多年石灰研細雞子清調成塊火煨過候冷再為末

姜汁調付或用枸杞根為末鹽湯洗淨乾糝炒

治鬢邊生軟癰名發鬢有數年不愈者用猪頸上毛
猫頸上毛各一撮燒灰鼠屎一粒為末以清油調
付

治附骨疽久不瘥膿汁敗壞或骨從瘡孔出用大蝦
蟆一箇亂頭髮一握如雞子大猪油四兩以猪油
煎煎項藥濾去滓煨如膏貼之凡貼先以桑根皮
烏豆煎湯淋洗拭乾煨龍骨末糝瘡四畔令易收